

SA 32
Q. F. F. Q. S.
DISSERTATIO,
CORALLIA
BALTICA

ADUMBRANS,

QUAM,

CONSENSU AMPLISS. FACULTAT. MEDICÆ
IN REGIA ACADEMIA UPSALIENSI,

PRÆSIDE,

CELEBERRIMO ET EXPERIENTISSIMO VIRO,
DOMINO

Doct. CAROLO
LINNÆO,

MED. ET BOTAN. PROFESS. REG. ET ORD.
SOC. IMPERIAL. N. C. MONSPELIENS. STOCKHOLMENS.
Upsaliens. Soc. *hujusque* SECRETARIO,

PUBLICÆ BONORUM CENSURÆ SUBMITTIT

HENRICUS FOUGT,

REG. COLL. METALL. ADSCR.

IN AUDIT. CAROL. MAJORI AD DIEM VIII. JUNII
ANNI MDCCXLV.

HORIS, ANTE MERIDIEM, CONSUETIS.

UP SALIÆ

Jan Lehnberg

S:æ R:æ
MAXIMÆ FI.
Regis Regnique
PRÆSIDI
PERILLUSTRI &
BARONI ac
Dn. GUSTAVO
MÆCENATI
S:æ R:æ
MAGNÆ FI.
Regis Regnique
CONSILIARIIS &
GENEROSSISSIMIS ac
Dn. J. BERGENSTIERNA,
Dn. EM. SWEDENBORG,
Dn. NICOLAO PORATH,
Dn. DANIELI TILAS,
CUBICULARIO REGIO,
MÆCENATIBUS ac PA-



Entis submisæ devotæque pia hæcce pi-
neroſiſſime DOMINE BARO, liminaque

M:TI S
DEI VIRO,
Collegii Metallici
EXCELLENTISSIMO,
GENEROSSISSIMO
DOMINO,
RÅLAMB,
GRATIOSISSIMO.
M:TI S
DEI VIRIS,
Collegii Metallici
ASSESSORIBUS
NOBILISSIMIS,
Dn. L. BENZELSTIERNA,
Dn. OLAVO COLLING,
Dn. JAH. BIERCHENIO,
TRONIS OPTIMIS.

gnora, quum ad pedes Tuos, Perillustris ac Ge-
VESTRA, MÆCENATES & PATRONI OPTI-
non

MI, deponere animum subiisset meum, non
sublime illud splendidumque fastigium VESTRÆ e-
præsentis etjam munusculi hujus levitas: quæ sin-
rent, vel temeritatis & audaciæ facile arguerent.
me DOMINE BARO, MÆCENAS GRATIOSISSIME,
PTIMI, favorem animumque propensissimum in e-
quam ausi fuerint, juxta submisæ cogito, quem
nigro VESTRO fruuntur patrocinio, spe ducor hu-
neutiquam fordere. Unica hacce suffultus fiducia,
tenues meque totum & spes meas VESTRÆ, MÆ-
do, in fortunæ meæ præsidium certissimum atque
dum vixero

**PERILLUSTRIUM & GENEROSISSI-
NOMINUM**

etiamsi
HENRICUS

potuit non oculis meis identidem obversari tum
minentia ac dignitatis, tum humilitas mea, atque
gula vel ab instituto, quantumvis pio, me deterre-
At vero, qnum TUUM, Perillustris ac Generosissi-
VESTRUMQUE, MÆCENATES ac PATRONI O-
os, qui in historia naturali Patriæ illusfranda quid-
& loquuntur & venerantur singuli, quotquot be-
millima, hoc quicquid est muneris levioris VOBIS
summa, qua decet animi devotione pagellas hasce
CENATES Summi OPTIMIQUE, gratiæ comen-
patrocinium longe exoptatissimum. Permansurus

**MORUM atque NOBILISSIMORUM
VESTRORUM**

devotissimas
FOUGT.

*etiamq[ue] libato annis
HENRICUS FOUGT*

VIRO Admodum Reverendo atque Praeclarissimo,
Mag. ABR. FOUGT,
PASTORI Tornensium longe dignis-
fimo, atque Vicini Contractus PRÆPOSI-
TO Adcuratissimo,
PARENTI OPTIMO.

Innumerā fuere, atque sunt etjamnum, TUA, PA-
RENS HONORATISSIME, eaque insignia at-
que immortalia mihi præstata vere paterni amoris in-
dicia, quamvis adhuc nullum, vel exiguum valde in me
deprehenderis grati memorisque animi pignus, benefi-
cis TUIS dignum. Evidem per annos bene multos be-
neficentiae TUÆ maximæ largam fecisti sementem, nondum
tamen ullam colligere TIBI licuit messem. Jam vero hanc,
quam TIBI venerabundus offero, vel herbam teneram, vel
fructus sperati primitias, ut serena fronte latus respi-
cias, & tanquam obsidem perpetuæ venerationis, cultus &
filialis obsequii excipias, mente pietatis plena animoque
gratissimo a TE, PARENS INDULGENTISSIME, iterum
iterumque peto. Quo magis autem in TE, PARENS
OPTIME, rite suspiciendo, Tuisq; beneficiis remuneran-
dis, non a fortuna solum, verum etjam ab omni spe me
sentio derelictum; eo firmius & amor ille continuus &
indulgentia TUA maxima, æternæ infixa erit memoriæ,
sub crebris assiduisque pro salute & incolumitate TUA vo-
tis ac suspiriis ardentissimis. Certe ad extremum vite
halitum permanebo

CARISSIMI NOMINIS TUI

filius obedientissimus
HENRICUS FOUGT.

PRÆFATIO.


Recentioris ævi beneficio tot ceperant incrementa, tantas accessiones, singulæ partes Historiæ Naturalis, ut inventa hujus seculi, si palmam non præripiant, saltem non cedant iis, quæ prior quondam atas detexit. Doctrinam præcipue Coralliorum ante annos triginta, vel quod excedit, Comes MARSILIUS, & hoc nostro tempore Celeb. B. JUSSIÆUS, REAUMURIUS, aliique ex Academia Regia Parisiensi, multum & excoluerunt & auxerunt; atque ita quidem indefessis suis illustrarunt observationibus, ut spem fecerint, originem atque naturam Coralliorum tandem penitus fore perspectam. Eo quidem Philosphorum industria, in erte & generatione Coralliorum investiganda, olim vix procescit. Historia nihilominus horum corporum adeo prorsus pratermissa non fuit, quin pleraque Coralliorum species, per varia litora ad oras in primis australes occurrentes, ab eruditis multis magno cum studio & labore sint col-

PRÆFATIO.

collecta, in numero rerum speciosissimarum reposita, nec oscitanter omnino recensita. Ast CORALLIA BALTICA adhuc fere intacta delinquent, nisi forte e suis tenebris eadem in lucem vocassent panca illa, quæ BROMELLUS Nostras & HELWINGIUS, Past. in Prussia Angerburgensis, de his Coralliiis memoria prodiderunt. Itaque multum e re esse arbitramur, quo nimirum auctior evadat Historia Naturalis Patriæ, ut Bromelliano huic catalogo & diversas Coralliorum species, quotquot e patriis nacti fuerimus, adjiciamus, & eas pariter a prius descriptis illis, quæ nobis in manus inciderunt, pro virili ulterius exponamus. Nec injucundam prorsus harum rerum studiosis presentem operam fore, licebit sperare. Proinde, ne frustrentur sua gloria littera patria, jam in eo occupati erimus, ut explicatores, quoad per nos licitum est, imagines Coralliorum maris Baltici, SVECIAM in primis alludentis, benigno Tuo, BONE LEGATOR, subjiciantur conspectui.

D. D.


Fig. I.



II.




III.




IV.



V.



VI.




VII.



VIII.




IX.



X.




XI.




XII.



XIII.



XIV.



XV.



XVI.



XVII.



XVIII.




XIX.



XX.




XXI.



XXII.




XXIV.




XXV.



XXVI.



XXVII.



3.



4.



E. Geerinthus sculpsit





D. D.

CAPUT PRIUS.

De

CORALLIIS in GENERE.

§. I.



CORALLIORUM mentio ut
hodie saepius occurrit, ita a-
pud antiquos Scriptores haud
erat infrequens: horum non-
nulli scripserunt **L** simplici
CORALIUM, vel **CURA-
LIUM**, quod reperies apud
THEOPHRASTUM, **PLINIUM** & **OVIDIUM** Met. 4.
749.

Nunc quoque curaliis eadem natura remansit.
Habent alii quoque CORALLUM, ut **SIDONIUS**
Carm. II. 110.

Laetitia puniceo sinuantur colla corallo.
Quibus inter recentiores assentitur **Celeb. TOUR-
NEFORTIUS.**

A

Co-

CORALLIA

CORALLIUM alio nomine apud DIOSCORIDEM appellatur LITHOPHYTON, LITHODENDRON, quasi *planta lapidea, lignum lapideum.*

GORGONIAM idem, a GORGONE vel MEDUSA, appellavit PLINIUS 37. 10. conf. Ovid. Met. 4. fab. 18.

Hujus præterea diversis speciebus varia impo-
nuntur nomina, ut sunt: FUNGITES, ASTROITES,
PORUS, MADREPORA, MILLEPORA, PORPITES, RE-
TICULARIA &c.

ORIGINEM vocis CORALLII scriptores commu-
niter Græcam esse volunt, ductam videlicet a
κόρη, vel *κορης*, *puella*, *pupilla*, & *ἄλος*, *ma-
ris*; est enim maris quasi ornementum. Imo di-
ctum alii putant CORALLIUM, ὅτι ἐν ἀλι καρπεται
quod in mari tondeatur. Raj. hist. 60.

§. II.

DEFINITIONES *coralliorum* apud diversos
auctores habentur variæ.

CÆSALPINUS de plantis, 16. 33. CORALLIUM
ALBUM definit, quod constet brevibus ac nodosis ra-
mulis, nitore ac candore eboris; cui foramina autem
quædam insunt, non solum in singulis nodis, sed &
juxta nodos, duritie lapidea.

RAJO, in method. emend. 3, CORALLIA
sunt plantæ flore carentes submarine, substantia dura
admodum & lapidea, quæ commanducantæ sub dentibus
crepitant ac scrupulosæ sentiuntur, fragilesque sunt,
& duro corpori illisæ clarum edunt sonum.

TOUR-

TOURNEFORTIUS inst. 572, definit CORALLIA, quod *sunt herbe marinæ fere lapideæ, ramosæ; quam speciatim genus alterum, quod nullis foraminibus conspicuis est pervium, CORALLUM vocavit, alterum vero MADREPORAM, quæ foraminibus interdum stelliformibus est pervia.*

BOERHAVIO hort. Lugd. I, CORALLIA dicuntur LITHOPHYTA, quæ *sunt fabrica simplici, dura, coralloide, fragili, illis sonora, vi ignis in calcem mutanda, cum acidis effervescente.*

GEOFFROY mat. med. II. 247. CORALLIUM *est, planta marina sub undis absque foliis nascens, fere lapidea, ramosa, densa & solida, fragilis, cortice, seu potius crusta quadam tartarea, molli tamen obducta.*

Verum enimvero definitiones hæ recensitæ, vix ab omni parte sunt adæquatæ & sufficientes: neque enim genuinum characterem sperare fas est, quamdiu erimus in dubio, utrum in civitatem animalem, an vegetabilem, anne lapideam potius, adscribi conveniat venustam hanc maris progeniem, quam dixerat Naturæ Historiographi *Corallia.*

Interim, ad Vegetabilia si referenda sint *Corallia*, consistentia sua lapidea atque calcis indole ab omnibus facile plantis dignoscuntur. Si productum sint animalium, eorumque dicenda testæ, id illis proprium videtur, quod a basi plerumque teneriori solidis corporibus submarinis, tenaciter adhæreant. Quod si lapidibus assidentur *Corallia*, & structura speciosa interna, & deter-

determinata figura, nunc stellis notata, nunc foraminibus varie pertusa, haud difficulter ab omni distinguuntur lapide.

Præterea quum id agimus, ut hic in primis præstruantur fundamenta capitis posterioris, pro scopo tractationis nostræ indicasse juvabit, id genus coralliorum, quod cavitatibus constat radiatis, nobis esse MADREPORAM; quodque cavitatibus instruitur simplicibus, MILLEPORAM nominari. Sed MADREPORAM *Simplicem* eam vocamus, quæ corpore constat unico, stella unica; MADREPORAM *Compositam*, quæ ex pluribus Madreporis simplicibus, proliferis & distinctis oritur: deniq; MADREPORAM *Aggregatam* illam nuncupamus, quæ stellis quidem insignitur pluribus, sed ita inter se coadunatis, ut paries unius sit communis alteri; adeoque constat corpore, non ex Madreporis pluribus simplicibus ac divisibilibus conflato.

§. III.

Corallia, ut innuunt supra dicta, ab aliis ad hoc, ab aliis ad illud naturæ regnum amandantur.

LITHOGRAPHI *Corallia* inter *lapides* recentierunt, rationibus sequentibus inducti: quod & pondere suo & consistentia lapideam prorsus duritiem ac gravitatem referant.

Ex adytis montium haud raro curiosorum examini sese offerant.

Tandem diutius ustulata, & aqua extincta, in veram calcem abeant.

Unde

Unde **GUISONÆUS** in epistola ad **BOCCONUM** statuit, nullum prorsus corallii genus esse plantam, at purum putum minerale, ex multo sale & pauca terra compositum. Existimat enim, variorum salium cum terra aliisque mixtionis principiis, a vegetantium occursu & præcipitatione, tam nobile mixtum emergere, non secus ac famigeratam Diana, seu Chymicorum arborem metallicam, quæ Mercurii & Lunæ cupellatæ, in aqua forti prius dissolutorum & aquæ communi dein innatantium subsidentia atque nexu, per appositionem partis ad partem accrescat.

§. IV.

BOTANICI vicissim, ut **DIOSCORIDES**, **PLINIUS**, **CÆSALPINUS**, **BOCCONUS**, **RAJUS**, **TOURNEFORTIUS**, **MARSILIUS**, & reliqui, *plantis* annumerarunt *corallia*: quod

a in caudicem ascendant, ramos diffundant, suas quæque servent, diversa forma utut mire ludant, species & genera, nec non stipite ad lapidem vel petram affixo, tanquam aëtis in terram radicibus, ad similitudinem arboris cuiusdam quam proxime videantur accedere.

B huic opinioni robur adjiciat, minus licet explorata veterum sententia, quibus persuasum legimus, corallia in fundo maris obvenire mollia, ad primum aëris contactum illico indurescere. Vid. *Diosc. mat. med.* 5. 7. *Plin. 32. 2. Ovid. met. 15. 416. Imper. hist. nat. 808.*

γ idem

γ idem confirmarint observationes BOCCONI, qui in apice coralliorum & sub cortice eorundem variis in cellulis latentem succum laetum detexit. Hinc nata suspicio, nec semine destitui corallia: imo cavis eorum meatibus, quos & POROS nominare solent scriptores, fructificationis commodum locum assignari posse, his visum fuit.

δ hanc opinionem extra dubitationem ponere viderentur observationes Comitis MARSILII, quas in opere laudatissimo, HISTOIRE PHYSIQUE de la MER, non ita pridem evulgavit: quibus id ponderis vindicare nititur Vir illustris, ut in numero vegetabilium quam maxime collaudanda esse corallia, quavis ratione contendat. Coralliorum enim flores, quos videtur sibi distinctissime observasse, splendide delineatos, spectantium oculis exhibuit.

Cujus inventi historiam quoque GEOFFROY mat. med. 2. 251, paucis percenset. Comes Marsilius, dum corallium recens, ex aequore extractum, in aqua marina servatur, papillæ sensim intumescunt & expanduntur, lactei succi guttulas fundentes, tum ex singulis papillis erit tur Calyx octophyllus, patens seu stellatus, albus, staminibus octo, longitudine circiter calycis, patentibus & pistillo simplici. Tandem post octo vel duodecim dies marcescentes flores flavescent, in globulos contrahuntur, lacteo succo turgidos, decidi duos & aquæ fundum petentes. Hæc corpuscula esse fructus, semen vero in eorum succo delitescere autumat.

mat. Mirum hoc phænomenon A:o 1706, mense Decembri primum observavit Illustris Comes in recens expiscato corallio: illud enim in vase aqua marina replete, per aliquot dies servatum, floribus albis stellatis hinc inde conspersum reperit. Aqua detracta, evanuerunt flores; aqua marina denuo affusa, flores iterum apparuerunt, sicque per decem vel undecim dies corallium floridum conspiciebatur.

§. V.

ZOOLOGI denique celebratissimi, Dn. BERNH. JUSSIÆUS, TREMBLEJUS & REAUMURIUS, *corallia*, nec lapides, neque vegetabilia, sed *vermum* esse *productum*, contendunt. Hujus sententiæ auctor fuit, & a MARSILII atque BOTANICORUM vestigiis & auctoritate primus discessit Dr. PEYSONELLIUS, *Medicus Regius Guadeloupensis*, qui ACADEMIÆ REGIÆ PARISIENSI, A:o 1727, ex iteratis & sedulo captis experimentis sibi compertum significavit, flores coralliorum non esse nisi minutissimorum animalculorum, forma & similitudine *urticæ marinæ*, valde prodigiosum numerum: neque aliud esse corallia, quam plura vermium domicilia, atque lepidissimam congeriem testarum. Hæc primum quidem adeo visa fuere paradoxa, ut splendida viderentur commenta, usque dum accuratiorem *Polyporum* investigationem ante aliquot annos auspiciatur Celeb. TREMBLEJUS. Sed, detecta postmodum *Polyporum* natura, inceperunt observationes il-

illæ PEYSONELLII pluris fieri, & tanti quidem, ut acutissimus B. JUSSIÆUS hujus rei pernoscendæ causa, A:o 1741 ad litora NORMANDIÆ iter institueret: ubi coralliorum naturæ indagandæ eo cum successu incubuit, ut ex itinere reversus eximias plane referret observationes, quæ huic maxime faverent instituto. Hac de re ulterius legi merentur, quæ erudite REAUMURIUS in *Præf.* ad Tom. VI, *de historia Insect.*

*Vir Clarissimus, BERNH. JUSSIÆUS, in literis, A:o 1744. d. 1. Maii, ad Celeberrimum Dn. Præf-
dem, de hoc negotio datis, id sibi ratum esse fir-
mumque perhibet, non solum quod plures coral-
liorum species, quas pro certissimis plantis nemo
non haberet, sint crustæ vel testæ certorum ani-
malculorum marinorum; sed jam etjam patere, a
quibus ZOOPHYTIS hæ domus & ædificantur
& habitentur. Quod quum novum sit & adhuc
paucis perspectum; recensionem horum animalcu-
lorum, prout illa enumerantur a Dn. JUSSIÆO, di-
gnam judicamus, quæ in gratiam Lectoris hic sub-
jiciatur.*

I. SCOLOPENDRA, *Ipsò monente, est zoophyton, “*
corpore cylindraceo, tentaculis 2 five 4. Huic “
originem debent :

Tubuli vermiculares, Dentalia, Penicilla“
marina, Tubularia.

Corallina astaci corniculorum æmula. *Tour-“*
nef. inst. 571. Raj. syn. 3. 34. n. 10.

Co.

Corallina marina abietis forma. *Tournef. inst.* “

571. *Raj. syn. 35. n. 12.* “

Corallina minus ramosa, alterna vice denti-“
culata. *Raj. syn. 35. n. 13.* “

Corallina muscosa, dentaculis bijugis unum“
latus spectantibus. *Pluk. alm. 119. Raj. syn. 35.*
n. 14.

Corallina muscosa pennata, ramulis & ca-“
pillamentis falcatis. *Pluk. alm. 119. t. 47. f. 12.*

Raj. syn. 36. n. 16. “

Corallina muscosa, alterna vice denticulata, “
ramulis in creberrima capillamenta sparsis. “

Pluk. alm. 119. t. 48. f. 3. Raj. syn. 36. n. 17.

Corallina muscosa denticulata procumbens, “
caule tenuissimo, denticellis ex adverso sitis. “

Pluk. alm. 119. t. 47. f. 11. Raj. syn. 36. n. 18. “

Corallina pumila repens, minus ramosa. “

Raj. syn. 37. n. 19. “

Corallina pumila erecta ramosior. *Raj. syn. 37.*

n. 20. t. 2. f. 1.

II. POLYPUS corpore oblongo cylindraceo, ten-
taculis ad circumferentiam capitum. *Ab hoc o-
riuntur:*

Millepora arenosa anglica. *Pet. mus. 271. Raj.
syn. 31.*

Fucus telam linteum, sericeamve textura sua“
æmulans. *Tournef. inst. 568. t. 334. Raj. syn.“*
42. n. 9.

Fucus marinus scruposus albidus angustior“

compressis, extremitatibus quasi abscissis.“
Moris. hist. 3. p. 646. f. 15. t. 8. f. 17. *Raj. syn.* 43.
n. 10.

III. MEDUSA corpore orbiculato s. conico, tentaculis filiformibus. *Hinc:*

Adianti, aurei minimi facie planta marina.“
Raj. syn. 31. n. 4.“

Madreporæ, Celleporæ **LINNAEI.**“

Alcyonium ramoso-digitatum molle, aste-“
 riscis undique ornatum. *Breynii E. N. C.*“
VII. app. 159. Raj. syn. 31. n. 2.“

Acetabulum.“

IV. SEPIA corpore oblongo depresso, tentaculis 6 brevioribus: 2 longioribus, os inclusum“
 corpori, oculi 2 magni infra tentacula. *Inde:*“

Nautilus papyraceus, *Orthoceros*, *Lituus*,“
Balanus, *Verruca testudinaria*, *Concha ana-*“
tifera.

Echinus marinus.“

Asterias, *stella marina.*

§. VI.

In hoc dissensu (§. 3.4.5.) si nobis censenda atq;
 rite æstimanda res erit, non possumus non summorum
 virorum & laudare & suspicere inventa longe no-
 bilissima. Illis autem singulis quum gravissimæ sint
 caussæ, cur potius aut lapideo, aut vegetabili, aut
 animali regno adjudicare velint corallia, nobis in-
 genue fateri licebit, nondum facile patere, quænam
 sen-

sententia reliquis sit anteponenda; præsertim, quum recentiorum circa hanc rem observationes sint nuper inchoatæ, non ad plenum confectæ, & desiderentur adhuc quam plurima, quæ dies forte revelabit. Donec ergo certiora fuerimus edoëti, nullum potius, quam immaturum & præceps, nostrum interponimus judicium. Neque enim ex instituto id agimus, ut discutiantur hic singula, quæ de coralliis dicenda forent. Nos descriptionem qualemcunq; coralliorum ad hæc nostra litora crescentium promisimus; nec ulterius divagari animus est, quam fert nobis proposita brevitas, dum eorum tantum desiderio studemus, qui leviorem forte cupiunt coralliorum notitiam, & dum ad subsequentia duntaxat rite intelligenda viam paramus.

§. VII.

Quo minus ad finem olim deduci potuerit operosa illa quæstio de natura coralliorum, ut exquisita ac pleniori eorum descriptione atque historia jam dudum orbis frueretur, moram injecerunt hæc in primis impedimenta: quod

α sepellantur undis corallia, in fundo latebrisque marium delitescant, ubi difficilis aditus, nec libera deambulatio conceditur.

β corallia, quæ discerpit, inque litus ejicit crebri-ori tempestate incitatus fluctuum impetus, in- tegra vix unquam reperiantur.

Veadem in litus ejeta nunc aëreas patientur injurias, nunc argilla, sabulo & arena obruantur, nunc ex adjacentium corporum adhæsione, cum quibus in lapidem facile concrescunt, crebro deformentur.

Sed longe aliæ coralliorum species in Oceano Septentrionali, aliæ in mari Pacifico, aliæ in mari Baltico, aliæ proferantur alibi. Accedit, quod singulæ species coralliorum figura admodum varient: quo factum, ut distinctas species fere toties constituerint auctores, quoties dissimilis formæ offenderint individua.

Es notitia denique coralliorum, procul adeo petendorum, majores postulet impensas, quam eam usui futuram vulgo sicut judicatum. Nautæ vero, quibus opportuna maxime patet occasio remotiores orbis adeundi plagas, hæc minus observant: neque scientiarum cultui multum inservit turba rudis eorum, quibus pescatus coralliorum plerumque est demandatus.

§. VIII.

Sed est profecto, quod maxime demiremur in hoc corporum genere. Tam prope enim ad quodlibet e tribus naturæ regnis corallia videntur accedere, ut, nec merum ea lapidem, nec plantam sinceram, neque animalium unice productum esse,

facile

facile dixeris; est tamen illis, quod animale quiddam & vegetabile, & lapideum simul indicat. Quin &, tibi congertuntur in litore corallia, quorumcunque circumfusorum corporum ad natam molem, inque calcem versam saepius ostentant. Imo confertissimum coralliorum, conchyliorum & petrificatorum numerum tantum non omnes subministrant rupes calcariæ, minus frequenter aliæ. Num igitur ad originem calcis hæc quicquam? Verum hoc libenter illis definiendum permittimus, quibus experiundi hujus est data facultas.

§. IX.

Ceterum coralliorum feracissimum esse natale solum ad plerasque oras maritimas, verbo si commemoraverimus, haud alienum videbitur. Etenim *Museum STOBAEANUM*, *Lundini* asservatum, ditavit in primis *OELANDIA*. *Collectionibus* *BROMELLIANIS* partem præcipuam suppeditarunt *Insulae CAROLINÆ* in *GOTHLANDIA*. Amborum hanc supellectillem omnem nimium quantum excedit locupletissimus coralliorum thesaurus, cuius heic ducimus lineamenta, quem ex *GOTHLANDIA* & *CAPELLÆ PORTU* *Celeber*. Dominus *Præses* secum deportavit. His Gothlandorum deliciis, in oratione sua inaugurali *de necessitate peregrinationis intra parviam*, hoc *Ipse* tribuit præconium: *Corallifera, inquit, Indorum litora miranur, sed Capellæ portus,*

locus

(locus est in Gothlandia) credite auditores, unus hic locus exæquat, imo exsuperat Orientis has opes: vi-
di enim densissima coralliorum strata per integra sta-
dia & millaria hujus litoris sese extendentia. Huc quoq; pertinent, quæ BROMELLUS in Lithogr. Svec.
sp. 2. c. 2. §. 1. *Lithophytorum*, ait, *inopiam compen-
sabit, spero, corallinorum nostrorum lapidum insignis
numerus, quorum tanta copia, tantaque varietas apud
nos occurrit, quantum vix aliis regionibus suppetere
scimus.*

§. X.

CORALLIORUM denique quo minus per-
spexit orbis naturam, eo leviorem sensit utilitatem.

Calcem nonnunquam, sed raro, parant inde
Gothlandi.

Museis Eruditorum atque Curiosorum, Re-
gumque & Magnatum Hortis, Cryptis, aliisque
rebus bene multis, ad ostentationem fere compo-
sitis, haud mediocri solent esse ornamento corallia.

In Medicina eadem audiunt absorbentia, eun-
demque usum præbent, quem reliqua, terrea dicta.

Sed ubiores tandem fructus fore confido,
quum in fontem generationis, atque intima horum
corporum penetralia patuerit aditus. Hæc procul
dubio laborem compensabunt.

CAPUT POSTERIUS.

De

CORALLIIS BALTICIS.

I.

MA D R E P O R A simplex, turbinata,
lævis; stella concava. *Fig. I. II.*
III. IV. VII.

Fungites cinerei coloris, cuius striatum capitulum nitide super lapidem calcarium fuscum expanditur & explicatur. Brom. lith. sp. 2. 30.

Fungitarum vestigia in lapide calcario incano conspicua. Brom. lith. sp. 2. 30.

Columellus, seu Fungites minor lapidi calcario griseo immersus. Brom. lith. sp. 2. 30.

Fungitæ minimi cum capitulis striatis. Brom. lith. sp. 2. 30.

Fungitæ fossiles majores rotundi, quorum capitula diffusa, intusque profunde striata, pediculi autem admodum breves sunt. Brom. lith. sp. 2. 30.

Fungitæ varii diversæ magnitudinis, quorum angustum, intusq; profunde striatum capitulum definit in petiolum longum, acutum, plus minusve incurvatum. Brom. lith. sp. 2. 30. t. 32.

Fungites mediæ magnitudinis subrotundus, lævis, gothlandicus, cuius pileoli orificium rotundum & profunde striatum, pediculus autem valde brevis. Brom. lith. sp. 2. 32. t. 32.

Fun-

Fungitæ mediæ magnitudinis, tetragoni gothlandici, quorum pileoli orificium vel quadratum, vel rhomboidale, pediculus autem brevis & exiguus existit.
Brom. lith. sp. 2. 33. t. 33.

Fungites gothlandicus magnus, pileolo ampio, latè, admodumque expanso, sed pediculo brevi donatus.
Brom. lith. sp. 2. 35. t. 36.

Fungites major orbicularis gothlandicus, facie sua ac figura proxime accedens ad fungitam orbiculari-rem helveticum Langii, in hist. lap. fig. helvet. p. 52. t. 12. descriptum.
Brom. lith. sp. 2. 36. t. 36.

Fungites elegans major, oris profunde crenatis, intusque reflexis, ex gothlandia.
Brom. lith. sp. 2. 36.

Fungites major orbicularis, ampio pileoli orificio, cuius crenati & tenues margines præter morem valde existant, & circa centrum in altum elevantur.
Brom. lith. sp. 2. 37.

Fungites gothlandicus, maximus, circumferentia sua 14 pollices capiens, ex meris lamellis tenuioribus ac striatis compositus; in cuius protuberante capitulo, cavitas adeo coarctatur, ut digitii minimi apicem vix admittat.
Brom. lith. sp. 2. 37.

Fungites mediæ magnitudinis candidus ac elegans, levioribus quidem, ast nitidissimis striis, a centro profundiori ad marginem elatiorem, amplum ac reflexum, procurrentibus, breveque petiolo conspicuus.
Brom. lith. sp. 2. 37.

Fungites gothlandicus major, parvo pediculo, cuius pileoli orificium lapide calcario communi infarctum & repletum.
Brom. lith. sp. 2. 38.

Fungites

Fungites gothlandicus major, longo ♂ incurvato pediculo, cuius pileoli orificium stalactite infarctum est. Brom. lith. sp. 2. 38. t. 38.

Fungites alius gothlandicus, brevi pediculo ♂ magno latoque pileolo conspicuus, cuius orificium sive cavitas, madrepora placentiformi sive eschara marina tenui reticulari obtagit. Brom. lith. sp. 2. 38.

Columellus turbinatus major, superna facie excavatus ♂ radiis corallii propriis stellatus est. Helw. lith. Angerb. 52. t. 5. f. 9.

Columellus turbinatus minor Luidii n. 134. seu calyx coralliorum Langii, ad litora cum plurimis fragmentis obvius. Helw. lith. Ang. 52. t. 5. f. 10.

Columellus turbinatus minimus. Helw. lith. Angerb. 52. t. 5. f. 11.

Columellus striatus seu *bryoniæ radix lapidea simplex.* Helw. lith. Ang. 52. t. 5. f. 13.

Columelli majoris turbinati materia durioris specimen, sive potius fragmentum, integrum enim reperi non dū contigit; subtilissime in longum striatum, fasciatum ♂ in extremitate latius expansa stellatum. Helw. lith. Ang. 53. t. 5. f. 15.

Ejusdem Columelli specimen proliferum. Helw. lith. Ang. 53. t. 5. f. 17.

Descr. E basi angustiori sive arctiori principio sensim enascitur corpus oblongum, teres, superiora versus magis magisque dilatatum, apice truncato, cuius superficies, striis longitudinalibus, obsoletis, numerosis, minimis undique exaratur, & sulcis transversalibus, obtusis, inæqualibus cingitur.

Stella, quæ inhæret apici, est concava, margine cavitatis acuto, radiis aut sulcatis, aut lamelatis, sæpe etiam dentatis, ab imis stellæ partibus ad oris ambitum procurrentibus, exornata.

Varietates hujus Madreporæ sunt permulta: nos ad sequentes tanquam præcipuas attendimus: α cuius diameter disci superat longitudinem ipsius cerallii; stella vero planiuscula margine instruitur latissimo, centro parum excavato, radiis e medio cavitatis ad circumferentiam ductis integris omnibus. Fig. I.

β cuius diameter disci ipso quoque corpore coralii longior existit; stella verum concava constat fundo piano, margine haud multum expanso, radiisque obdueto, quorum alterni longiores a margine extimo ad fundum usque descendunt, inq; itineris medio cessant alterni breviores, ut centrum fundi, quod nec radii longiores assequuntur, non contingant. Fig. II.

γ quæ perfecte est turbinata, stellæq; turbinato-concava, radiis ab ipso centro ad marginem recta ductis, insignitur. Fig. III.

δ quæ fere cylindracea, at versus apicem crassior aliquantum, stellam gerit turbinato-concavam. Fig. IV. Hæc modum pariter augmentationis horum corporum, stellæ videlicet e centro prolem emissam, ostendit.

ϵ cuius est obliqua forma, sive incurvato-oblonga, basin versus angustior, superne crassior, margine cavitatis supremæ paullum contracta; stella

stella hemisphærico concava, radiis, interjectis alternis brevioribus, longioribus alternis, a margine ad centrum properantibus, exsculpta. Fig. VII.

Magnitudo hujus Madreporæ occurrit varia: aliæ enim articulum extimum digiti vix æquant; magnitudine vero cornu taurinum æmulantur aliæ; cuius etiam colorem exprimunt, quippe qui in recentis extractis coralliis hujus speciei est subdiaphano-corneus. Unde specimina illa, quæ assimilantur varietati ε), in Gothlandia *Gumshorn* (cornua arietis) vulgo salutantur.

Horum coralliorum ad regiones maritimæ nostras ubertas est maxima, eorumque in primis, ex coralliis Balticis, apud auctores facta mentio.

II.

MADREPORA simplex, orbicularis, plana; stella convexa. Fig. V.

Fungitarum minimorum pediculo destitutorum capitula parva striata, ac trochiscorum instar crenata, collecta in litore maris gothlandicæ. Brom. lith. sp. 2.

33. f. a. b. c. d. e. f. g. h.

Lapillus numismalis. Calceol. mus. 328.

Porpita minor numularis. Luid. lith. 151.

Lens lapidea striata, utrinque convexa. Scheuchz. lith. Helv. f. 43. 44.

Fungi cujusdam marini capitulum. Büttn. diss. de corall. foss. 24. t. 3. f. 5.

Descrip. Hæc Madrepora orbicularis est, plana, glabra; rugis annularibus obsoletis, striisque minu-

tissimis a centro marginem versus molliter notata; centro in paucissimis speciminibus aliquantum eminentia, in plurimis existente fere plano. vid. Fig. V. lit. b.

Stella convexa, medio excavata, constat radiis dentatis, a margine ad centrum convergentibus, quibus alterna vice radii alii dimidio breviores interponuntur. vid. Fig. V. l. a.

Radii omnes, vel potius lamellæ, ubi fluctuatio maris vitium non induxit, margine quidem sunt paullum dentato; undarum tamen eludere violentiam, antequam attingant litora, quum ægre possint, lævigationes vulgo reperiuntur, atque punctulis tantum exstantioribus observantur signatae.

Formam igitur *Trochisci Officinalis*, vel fructus *Lavateræ* aut *Malvæ* eleganter referunt hæcce corpora; quæ latitudine rarius transversi digiti, communiter autem minora & semine *Lentis* vix ampliora reperiuntur.

Vulgo hæ Madreporæ venditantur pro semine vel fructu coralliorum, ex opinione fortassis quorundam eorum, qui corallia reliqua fungiformia his operculis quasi tegi arbitrantur. Sed ratio subest, cur vocemus hæc in dubium, quamvis deficiente vestigio baseos, qua solido cuidam adhærent corpori, non mirer, scrupulum facile quibusdam hinc suboriri potuisse.

Ad urbem ipsam *Wisbyam*, in Gothlandia, tam a parte boreali, quam australi, hæc Madreporæ species satis abundanter occurrit.

III.

MADREPORA composita, corporibus proliferis e centro pluribus, undique coadunatis; stella convexa, centro-concava. Fig. IX. n. 2.

Fungites gothlandicus brevi pediculo ♂ magno amploque pileolo, cuius superficies tota figuris astriformibus subtilissimis, ♂ propemodum oblitteratis obducitur. Brom. lith. sp. 2. 39. t. 39.

Corallium albidum, superficie figuris astriformibus propemodum oblitteratis, quæ extensio aquarium flutibus est adscribenda. Alias *Echinometrae Scheuchz.* f. 85. simile. In litoralibus. Helw. lith. Ang. 53. t. 5. f. 22.

Descr. Particula quævis primaria hujus coralli turbinata, oblonga, striis longitudinalibus, obsoletis, numerosissimis obtegitur.

Stella convexa, lato margine, extrorsum declivi, radiisque instruitur, centrum cavum occupantibus, lamellatis, prominulis, acutis, qui vero marginem exornant, levioribus, striatis.

Corpora ejusmodi plura, e centro cuiusvis stellæ erecta, a latere invicem coagmentata & quasi conglutinata, Madreporam compositam convexam ac versus basin turbinatam exhibent.

Varietatem sat singularem sistit fig. VIII. Inter hanc enim & Madreporam nuper descriptam interest illud, quod ultimæ partes quarumlibet adjacentium stellarum, margine nonnihil elevato, striis-

striisque concurrentibus utrinque dentato, ultra planitiem corporis paululum emineant.

Cohæret adeoque hæc species Madreporæ uti bacca in *Ananas* seu *Bromelia*. Transversim se-
tum hocce corallium examinavimus, atque tunc ab ima quoque parte optime cernebantur stellarum imagines; sed a se invicem remotiores, quæ per medium corpus, ubi lamellæ conspiciebantur in apice, transeunt.

IV.

MADREPORA composita, corporibus proliferis e disco pluribus, margine coadunatis; stellis truncatis, centro cylindraceo-concavis. Fig. X. n. 3.

Fungitæ octo majores, candidi, pyxidati, quorum pediculi in imo coaliti, ex uno quasi pede ac principio exsurgere videntur. Brom. lith. sp. 2. 39. t. 39.

Eiusdem generis tertius luxurians & prolifer fungites gothlandicus, ex octo minoribus infundibuliformibus concretus, qui a proxime memorato non nisi colore & magnitudine discrepant. Brom. lith. sp. 2. 40.

Eiusdem generis tertius luxurians, ex septem minoribus calyciformibus compositus, qui hoc a ceteris differunt, quod centralis capitulorum cavitas plana conspicatur, totaque materia calcaria infarcta. Brom. lith. sp. 2. 40.

Eiusdem generis quartus, ex quatuor tantum minoribus cyathiformibus fungitis constans, quorum singula capitula, profundam in centro cavitatem & in ambitu

ambitu duplicem quasi admodumque elatum marginem ostendunt. Brom. lith. sp. 2. 40.

Descr. Partes hujus Madreporæ striis longitudinalibus, obsoletis, numerosissimis; sulcis rugisque transversis, annularibus, inæqualibus, obtusis, variis teguntur.

Stella plana est seu truncata, centro concavo-cylindraceo, fundo plano, margine lamellato.

Illæ ipsæ lamellæ, 30. circiter longiores, ab elatiōri margine horizontaliter exeunt, hinc ad latera cavitatis mediæ perpendiculariter descendunt, iterumque ad rectum angulum in plāno ipsius disco convergunt: totidem lamellæ breviores ad medium itineris partem vel ad orificium cavum alterna vice deliquescunt. At longiores radioli, ex ampliori spatio procedentes crassiores, prementibus locorum angustiis, quo cursum dirigunt, ad parietes cavi cylindri in acutam aciem magis magisque desinentes, stellam formant perquam elegantem, in que aliis coralliorum speciebus, nobis perspectis, haud obviām.

Hæc descripta corpora sive partes hujus coralli, e disco marginali plāno proliferæ, similes plures & æquales emittunt, quæ rursus alias profertunt aliasque, latere invicem seu margine extimo semper contiguas.

Particulæ illæ ab initio tenui, penna anserina vix crassiori, in corpus truncatum expanduntur, cuius disci diameter æquat altitudinem totius corporis, atque totam fere pollicis amplitudinem absolvit.

V.

MADREPORA composita, corporibus proliferis e centro solitariis, coadunatis stellæ margine dilatato. Fig. XI. n. 4.

Descrip. Internodium quodvis seu quivis articulus hujus Madreporæ est corpus cyathiforme, farctum, inferne attenuatum, ad basin ipsam parum dilatatum, superne crassius; margine lato, tenui; superficie striis numerosis, obsoletis, longitudinalibus, rugis vero transversalibus vix manifestis praedita.

Stella planiuscula, radios a centro ad marginem ductos plurimos (60 saepius), in disci centro lamellatos, in margine vero striatos exhibit.

Descriptum corpus e centro cyathi alterius sic erigitur, ut basis superioris tegat stellæ partem lamellatam inferioris, & sic porro ex impositione unius articuli in alterum evadit corpus proliferum e centro: sed plura ejusmodi corpora prolifera aequalibus internodiis juxta se posita, margine stellarum tantum coalescunt.

Crassities media cujusvis articuli digito minimo par est; longitudo vero transversum pollicem interdum exæquat.

Substantia medullaris albidior, striata, cinerascente cortice vestitur, qui facili negotio, casu, vel contusione hinc illinc separatur.

Reperiuntur hæcce corallia saepe capitis magnitudine ad litora *Kyllei* & *Slite*.

Varie.

Varietatem hujus speciei maxime speciosam exprimit Fig. XVIII. quæ parum tamen & in hoc potissimum a supra descripto corallio abludit, quod stellæ propiores sint, sive internodia breviora & minus conspicua, superficies exesa & corticali substantia ab anteriori parte fere orbata: ex cortice nihilominus, ubi cernitur illæsus, e structura stellæ ejusque margine tenui, ampliato, hanc Madreporam eandem esse cum proxime memorata specie haud obscure patet.

VI.

MADREPORA composita, corporibus proliteris e centro solitariis, membra na reflexa coadunatis stellatis. *Fig. VI. n. I.*

Descri. Hæc Madrepora constat cylindris variis, farctis, distantibus, rectis, parallelis, coniunctis invicem diaphragmatibus, sive lamellis horizontalibus, quibus interjecta sunt spatia latiora, quam alta.

Apices leviter effossi, sed nec radianti cavitate, neque dilatato margine comparent; in ambitu verum suo radiis variis dentiformibus, extrorsum acuminatis, crenati videntur.

Hi cylindri, vel caules cylindracei exsurgunt ex pluribus sibimet injunctis articulis cylindraceis, lævioribus, albescientibus, crassitie plus minus culmi triticei, quorum e latere supremo discedit membrana tenuis, inque hunc modum reflexo-plana, ut apex cylindri nonnihil promineat.

D

VII.

VII.

MADREPORA composita, cylindris flexuosis, scabris, cortice hinc inde coa-
litis. *Fig. XIII. n. 5.*

Descri. Cylindri, Madreporam hanc consti-
tuentes, varie sunt flexuosi, hinc inde contigui,
iterumque distantes; cortice scabro, rimoso, trans-
versim rugoso & propemodum articulato præ-
diti.

Stella terminatrix cuiusvis cylindri, ejusdem
cum eo est latitudinis; disco concavo, centro de-
presso, planiusculo; radiis lamellatis, æqualibus
& integris omnibus.

Talia inter se plura corpora conjuncta, late-
ribus promiscue & passim connata, fastigiis autem
radiantibus a mutuis nexibus parum disjuncta, mo-
lem conficiunt diversæ magnitudinis. Color in his
est prorsus cinereus, crassities calami scriptorii.

VIII.

MADREPORA aggregata, stellis an-
gulosis, concavis; radiis quatuor altiori-
bus. *Fig. XVI.*

Descri. Hæc Madrepora tubulis constat paral-
lelis, angulosis (sæpius sexangularibus), undique
connatis; adeo ut paries, proximis quibusvis tu-
bulis interjectus, utrique eorum sit communis.

Stella terminatrix est æqualis diametri cum tubo,
angulosa (sæpius sexangularis) concava, lamellata, la-
mellis

mellis a centro marginem versus ductis acutis; quarum quatuor decussatim positæ reliquis majores altioresque conspiciuntur.

Plures stellæ margine coalitæ partem superiorem hujus Madreporæ totam adornant; a latere vero sulci eleganter striati eam reddunt conspicuam.

Ceterum figura hujus speciei mutabilis est atque incerta. Nunc pugnum æquat, nunc digitum minimum magnitudine haud multum excedit: faciem interdum ramosam, jam rotundatam præfert. Estq; Madrepora hæc subdiaphana, albicans; atque transversim secta picturam eandem refert, quam ab aversa parte præbent chartæ lusoriæ, constantem videlicet e sexangulis contiguis, centro-stellatis.

IX.

MILLEPORA ramis vagis; punctis sparsis. Fig. XII.

Corallii fossilis subalbidi ac levis ramuli tenues, geniculati ac ramosi. Brom. lith. sp. 2. 17. t. 17.

Madreporæ sive corallii fossilis punctulati ramuli diversæ magnitudinis ac crassitie, a digitis minimis ad pollicis latitudinem ascendentis. Brom. lith. sp. 2. 17. t. 17.

Corallium album punctatum rugosum, aliquando tamen leve, furcatum & ramosum. Helw. lith. Ang. 49. t. 4. f. 2. 3.

Descri. Hæc Millepora varie est subramosa, divaricata.

Pori, plurimi, inæquales, oblongi, transversa- liter undique absque ordine sunt dispersi.

D 2

In fra-

In fracto ramo medullaris substantia poros approximatos, plures, ad modum cornu cervi, vel ossium exsiccatorum ostentat. Color hujus speciei frequenter albidus; magnitudo observatur varia.

Atque hoc in primis corallio tantum non omnia scatent litora corallifera, nec non montes calcarei haud pauci; quapropter Lithographis, sub nomine *Pseudo-Corallii*, *Corallii fossilis*, idem est notissimum.

X.

MILLEPORA ramis vagis, punctis imbricatis. *Fig. XIV.*

Descrip. Hæc Millepora ramis constat variis, erectis, sæpius contiguis.

Pori sunt contigui, imbricati, fundo acutiori, exteriori margine obtuso, & oblique incisi; ut ab apice, non a basi ramorum, inspeeti, fundus eorum appareat.

Hæc milleporæ species in montibus quoque calcariis haud est infrequens & cinereo sæpius occurrit colore.

XI.

MILLEPORA ramis cylindraceis, dichotomis, seriebus longitudinalibus punctatis. *Fig. XV.*

Coralliorum exilium coagulum lapideum, eo, quo in figura addita cernitur, modo, eleganter coalitum.
Brom. lith. sp. 2. 16. t. 16.

Massa

Massa lapidea ex ramulis corallinis punctatis tam rectis quam inclinatis, saepe etiam ramosis constans, & ad instar vermiculorum uncialis longitudinis, crassitie lumbricis junioribus simili sibi invicem stipatis. Helw. lith. Ang. 50. t. 4. f. 14. 15.

Descr. Ramuli hi corallini sunt dichotomi, teretusculi, longitudinaliter punctati.

Pori juxta longitudinem in seriebus proximodum contiguis disponuntur, Iapidem oblique cavant & cavae formant versus basin cuspidatas, altera parte marginis existente latiore & quasi bipartita. Forma igitur pororum triangularis est. Imo fundus cuiusque foveolæ, qui a sumitate ramulorum intuentium oculis jucunde obversatur, inverse contemplatus prorsus delitescit. Quid, quod super his ramulis sursum mota manus scabritiem sentit minorem, quam si deorsum feratur.

Tum ad litora marina hæcce corallia saepius occurunt, tum e montibus quoque calcariis haud insolenter eruuntur; & colore observantur ut plurimum albido.

XII.

MILLEPORA repens, ramis dichotomis, lineolis subulatis, imbricatis poros distinguentibus. Fig. XXV.

Descr. Corallium hoc longum, ramosum, dichotomum, undique punctatum, latere cuidam lapidi arctissime adhaeret.

Pori

Pori oblique descendunt, suntque striato-excavati, ac si foliolis imbricatis, aceroris, hæc species Milleporæ esset ab omni parte conspersa.

Ad formam igitur & similitudinem *Lycopodii* usque adeo accedunt hi ramuli, ut facile quis assereret eos esse hanc ipsam herbam petrefactam.

Reperiuntur saepe hæc specimina in montibus calcariis, ubi quoque obvia sunt petrificata.

XIII.

MILLEPORA subrotunda, poris minimis confertis, majoribusque crenatis remotis. *Fig. XXIV.*

Porus tuberiformis, figura sua ac magnitudine tubera terrestria referens. Brom. lith. sp. 2. 19.t. 19.

Descr. Suprema facies, quæ convexa, poris obtigitur minimis, acicula quasi factis, confertissimis, angulatis, distinctis; præter hos ipsos punctis etjam latioribus aliis atque remotioribus notatur, quæ sunt margine aliquantum crenato, crenis circiter duodecim.

Pars inferior striis minimis plurimis, sulcisque paucis majoribus insignitur; quam formam debet haud dubie punctis illis in superna facie pertusis, majoribus, minimis.

In speciminibus nonnullis, quæ undarum vim diutius aliquanto fuere perpetua, non nisi majorum pororum exhibentur vestigia, tenuioribus illis tritu maris abolitis prorsus & consumptis.

Hæc

Hæc Millepora nunc cinerea, nunc albior existit, nunc in rubedinem aliquantum propendet: magnitudine & forma admodum variat; saepiusque hujus corallii latus supremum in rotundum sese contrahit, subtus autem communiter est concavum.

XIV.

MILLEPORA subrotunda, poris contiguis, angulatis, farctis, subtus sulcata. *Fig. XVII.*

Lapis calcarius, coralloides, radiatus, gothlandicus, cuius superficies densas, elevatas & a centro ad peripheriam excurrentes lineolas radiatas exhibet. Brom. lith. sp. 2. 28. t. 28.

Tubularia pentagona, in qua tenuissimi tubuli interseptimentis albidis segregantur. Helw. lith. Ang. 49. t. 4. f. 6.

Descr. Millepora hæc figura est subrotunda, hinc inde convexa, supra foraminibus contiguis pertusa; subtus sulcis longitudinalibus, obtusis, dimidios tubulos effingentibus excavata.

Pori, seu foramina contigua, subrotunda, parum angulata, 5. 6. vel pluribus angulis instruntur. Fundo illorum materia rudis calcaria plerumque solet accrescere; unde cavitates illæ semine sinapeos raro profundiores aut latiores habentur.

Nob. BROMELLIU斯 hunc lapidem invertum delineavit, procul dubio seductus specimine obscurioris

rioris notæ aut calce repleto. Ergo nescius ad quam coralliorum speciem hocce lapideum referret, procula hæc verba: *Quod si ad fingenda nova nomina facilis essem, & lusus naturæ a veris petrificatis adcurate adeo distinguere nolle, crediderim me in hoc lapide videre vel solis quendam florem Indicum, petala sua pandentem, vel Fungitæ majoris capitulum inversum radiatum, & super lapidem diffusum. Nunc Davum me fateri malo, quam Oedipum.* Brom. lith. sp. 2. 28.

XV.

MILLEPORA poris contiguis, angulatis; diaphragmatibus transversalibus plurimis. *Fig. XXI.*

Tubularia fossilis candida, ex tubulis brevioribus angustis teretibus constans, & tribus ordinibus fistulosis distincta. Brom. lith. sp. 2. 21. t. 22.

Tubulariæ fossilis candidæ gothlandicæ alia species manu artificiosa in cubum formata & polita, ut cellulæ interiores, totaque lapidis substantia tubulosa atque cavernosa oculis melius pateat. Brom. lith. sp. 2. 22.

Tubularia fossilis albicans calcaria, ex tubulis exiguis innumeris concreta, lignum faginum petrificatum utcunque referens. Brom. lith. sp. 2. 22.

Descri. Amplior communiter occurrit, quam alta hæcce Millepora.

Pori summitatem exornantes sunt lineam lati, angulis 4. 5. 6. imo pluribus conspicui, profundi minus quam alti, qui membranis distinguntur

tur lapideis numerosissimis, perpendiculariter eratis, quas iterum intercipiunt diaphragmata transversalia plurima, in loculamenta varia, latiora frequentius quam alta corpus secantia.

Hæc autem diaphragmata in eadem linea eademve altitudine sibimet invicem non respondent: quippe fracto corallio, transversa sepimenta interrupta, perpendicularia vero integra videntur.

In his cellulis hujus corallii particulæ crystallinæ, calcariæ, cubicæ, copiosissime inhærent; ut videantur hujus indolis specimina ex arena quasi pellucida esse conflata.

XVI.

MILLEPORA poris contiguis subrotundis; diaphragmatibus transversalibus plurimis. Fig. XXIII.

Descr. Millepora hæc superne convexa, infra concava, constat tubis innumeris, contiguis, tenuissimis, vix setam equinam admittentibus.

Pori subrotundi, numerosissimis diaphragmatibus transversalibus, tenuissimis & fere visum fugientibus distinguuntur.

Color in hac specie est niveus, gypsi æmulus: atqui structura pororum tam exacte *Boletum* refert, ut in hoc studio minus versati, Milleporam hanc nihil

nihil aliud esse, quam fragmentum *Boleti* petre-factum, facile persuasum habeant.

Fractum hocce corallium striatum apparet, & a latere spectatum formam quoque & similitudinem *Amanti immaturi* vulgo dicti, haud ineptimentitur.

De cetero fatendum arbitror, structuram lamellatam hujus Milleporæ cum specie proxime præcedenti in tantum convenire, ut ægre definitam utrum separandæ potius, an conjungendæ sint hæduæ species. Interim dividendas esse duximus, svalente id ipsum externa facie & magnitudine pororum maxime dissimili horum coralliorum; ne tamen illic refragari videamur, quibus eorum combinatio forte magis arridet.

XVII.

MILLEPORA tubis ovatis, longitudinaliter reticulatimque concatenatis.
Fig. XX.

Tubularia fossilis fistulosa, candida, undata & ratenulata. Brom. lith. sp. 2. 23. t. 23.

Ejusdem *Tubulariae* gothlandicæ fossilis ac catenulæ aliud elegantius specimen, in quo lamellarum tortuosæ anfractus latius explicantur, & tabulorum catenula corallina, sive rete articulatum mirabile distinctius extendit, artificio adeo miro ac singulari, ut

icone melius, quam verbis exprimi possit. Brom. lith.
sp. 2. 24.

Eiusdem *Tubulariæ fossilis catenulatae gothlan-*
diceæ aliud specimen, memoratis durius ac quasi sili-
ceum, cuius reticularis & catenulata superficies a flu-
etibus marinis adeo exesa & detersa est, ut elegantiam
suam naturalem plane perdiderit. Brom. lith. sp. 2. 24.

Eiusdem *Tubulariæ gothlandicæ fossilis alia spe-*
cies tenuis, utrinque plana, reticulata atque catenu-
lata, cuius tubulosa & ab aquarum fluctibus detersa
superficies, catenulam corallinam tam affabre ab utro-
que latere ostendit, ac si aurifabri manu fabricata,
vel opus phrygium esset, figura sua reticulari mirabile
vasorum lymphaticorum rete haud inepte repræsentans.
Brom. lith. sp. 2. 25. t. 25.

Eiusdem *Tubulariæ gothlandicæ fossilis alia spe-*
cies, tubulari sua & cavernosa structura apum cellulas
seu favos apprime exprimens. Brom. lith. sp. 2. 26. t. 26.

Tubularia fossilis catenulata silicea scanica, goth-
landicæ superius sub numero 6 memoratæ similis, sed
ab aquarum fluctibus admodum exesa & deformata.
Brom. lith. sp. 2. 27.

Frustum corallii dendrici lividi & albi coloris,
fibris non rectis, sed paulum inclinatis atque arctissi-
me compactis constans, quorum densa constipatio in ex-
tremitate in catenulam effigiatur. Helw. lith. 50.
t. 5. f. 1.

Frustum corallinum, in quo variæ expressiones ductus & fistulae repræsentantur, quibus catenula accurate articulata implicatur. Helw. lith. 52. t. 5. f. 6. conf. t. 6. f. 1.

Lapis albidus catenula corallina tam pulcre articulata, quasi aurifabri manu fabricata fuisset, circumvolutus. Helw. lith. 53. t. 6. f. 1. conf. t. 5. f. 6.

Corallium lateratum. Büttn. Coralliogr. subt. t. 1. f. 2. t. Wolkm. Silef. subt. part. 1. c. 4. §. 46. t. 18. f. 7. & t. 20. f. 3.

Descrip. Milleporæ hujus tubi subcylindracei, æquales, parum compressi, juxta se in lineam positi, lamellam constituunt, quæ perpendiculariter, aut varie inflexa cellulas format ovatas, oblongas, diverse angulatas ac reticulatim quasi ordinatas. Cujus nimirum texturæ indicio haud obscuro est superficies longitudinariter sulcata, nec non margo supremus velut ex catena pororum ovatorum & inter se connexorum constructus.

Altitudo laterum sæpe binos vel ternos transversos digitos assequitur: ceterum figura totius hujus corallii admodum est inconstans. Cavitates minores sive poros vel tubos plerumque implet materia terrestris ac lapidea: majores vero cellulæ interdum sunt vacuæ ad digitæ transversæ profunditatem; communiter autem & illæ materia argillacea-calcaria refertæ.

Proinde

Proinde non solum consistentiæ, sed etjam coloris, in plerisque speciminibus, varietas est insignis hujus lapidis: lamellæ enim in aliis flavæ, in aliis rubescentes, inque aliis albidæ & prope modum subpellucidæ, nunc fragiliores nunc du riores observantur; materia cellulas implente existente magis rudi & cinerea.

XIX.

MILLEPORA dichotoma, repens, teres, poris axillaribus solitariis eminentibus. *Fig. XXVI.*

Descr. Fili crassioris instar arête lapidi, vel coralliorum frustis adhæret hæc Millepora, constans ramis teretibus, filiformibus, divaricatis, ad divisuras fere angustioribus, inque tota superficie lapidis, cui innituntur, varie & reticulatim oberrantibus.

Porus cylindraceus, elevatus, nec lapidi appressus, ut sunt reliquæ partes hujus corallii, singularè ramificationi eretus fere insidet.

Spatia ramis interjecta, in lapide, cui innascitur hoc corallium, vel nuda & glabra sunt, vel punctis elevationibus adspersa, vel etjam leviter sunt excavata.

XIX.

MILLEPORA tubulis cylindraceo flexuosis, distantibus, congestis plurimis. *Fig. XXII.*

Lapis

*Lapis, in quo vegetatio corallina ex fistulosis ex-
crescentiis cavis, iisque sursum prominentibus aperi-
sime cognoscitur.* Helw. lith. 52.t. 5. f. 7.

Descr. Corallium hoc speciosum tubulis con-
struitur æqualibus, cylindraceis, parum flexuosis,
inque solido lapide exortis & juxta se positis, mi-
nimis, in apice paululum, nec toto corpore per-
foratis, margine foraminis acutissimo integro in-
structis.

Superficies horum tubularum primo quidem
intuitu lævis observatur; in eadem vero armato o-
culo perlustrata, circuli tenues, parumque distan-
tes hinc illinc eluent: quorum videlicet e nume-
ro, gradus incrementorum hujus corallii satis ma-
nifeste colliguntur. Longitudo tubularum trans-
versum pollicem, crassities culmum minoris gra-
minis adæquat.

XX.

**MILLEPORA membranacea, plana,
punctis contiguis, quincuncialibus.** Fig.
XIX.

*Millepora plana simplicissima superficie alteri ad-
nata.* Hort. Cliffort. 480.

*Retepora sive Eschara marina Imperati lapidea
gothlandica.* Brom. lith. sp. 2. 20. t. 21.

Re-

*Rete poræ alia species, telam subtilem texturæ
sua quodammodo referens, lapidem calcarium candidum
torticis reticulati instar involvens.* Brom. lith. sp.

2. 21.

Deser. Hæc Millepora constat membrana ali-
cui solido corpori superinducta, diaphana, tenuis-
sima, composita meris punctis ovatis, fundo ob-
liquo: cavitas enim superiora respicit.

*Puncta eleganter in quincuncem digesta sunt,
aut in hunc modum juxta se invicem proxime lo-
cata, ut quaqua versus spectentur, semper ea re-
cta in serie deprehendantur ordinata.*

Hæc species Milleporæ, maris Baltici fre-
quentissima incola, in omni fere fuco, lapide ac
topho submarino est obvia.

XXI.

Coronidem operi tandem imponat specimen
quoddam singulare corallinum Gothlandicum, quod
delineatum sistit Fig. XXVII, cuius, ex amplissi-
mo Museo suo lapideo, nos compotes fecit Expe-
rient. D. D. J. GOTSCHE WALLERIUS, Fac. Med. Ups.
Adjunctus.

Hic lapis conflatus videtur ex corporibus
hexaëdris, solidis, parallelis, erectis, contiguis,
glabris, æqualibus, plurimis, subdiaphanis, al-
bicantibus, latitudinis linearis.

Lineæ

Lineæ sexangulares, retiformes, maculis
æqualibus in superficie leniter incise, nec non la-
tera in hunc modum angulata, hæc satis evincunt.

Adeoque externa specie non multum abhor-
ret a crystallis truncatis calcariis, quæ plumbi di-
tiores inveniuntur.

Ceterum, hunc lapidem, cuius unicum mo-
do specimen videre nobis licuit, quum simus du-
bii, quo tutissime referamus, coralliis nostris
loco appendix subnectendum judica-
vimus.

